

S P O R A Z U M

o uređenju uslova za obavljanje sindikalnih aktivnosti

Rukovoditelj organa Javne ustanove "Terapijska zajednica Kampus" Kantona Sarajevo, direktor Hase Tirić i predsjednik Sindikalne organizacije JU "Terapijska zajednica Kampus" Kantona Sarajevo Samostalnog sindikata državnih službenika i namještenika u organima javne uprave, sudskoj vlasti i javnim ustanovama FBiH, Adis Hadžić, u skladu sa članom 61. Kolektivnog ugovora za službenike organa uprave i sudske vlasti u FBiH ("Službene novine Federacije BiH", br. 16/18).

S P O R A Z U M

o uređenju uslova za obavljanje sindikalnih aktivnosti

Član 1.

Ovim sporazumom uređuju se uslovi rada Sindikalne organizacije i njenih organa, a posebno; obezbjeđivanje prostora za održavanje sastanaka, sredstva komunikacije ovlaštenih predstavnika Sindikata sa organima Samostalnog sindikata – Centrale, održavanje sastanaka u toku rada i odsustvo sa rada predsjednika Sindikalne organizacije ili zamjenika, po pozivu nadležnog organa Sindikata i drugih potreba u vezi sa tim.

Član 2.

Rukovoditelj organa saglasan je da organi Sindikata, za svoje sastanke mogu koristiti radnu prostoriju organa predviđenu za takve i slične namjene (sala za sastanke i sl.), s tim što se sastanak treba najaviti tri dana prije njegovog održavanja u cilju pravovremenog odobrenja korištenja sale.

Rukovoditelj organa, u slučajevima rada na terenu organa Sindikata, po mogućnosti će obezbijediti i upotrebu službenog vozila.

Pismeni zahtjev za namjene iz ovog člana, dostavlja se rukovoditelju organa putem pisarnice organa.

Član 3.

Rukovoditelj organa saglasan je da predsjednik Sindikalne organizacije, odnosno predstavnik organa Sindikata, može za potrebe obavljanja sindikalnih poslova koristiti telefon, telefax i druga raspoloživa tehnička pomagala, s tim što je predsjednik Sindikalne organizacije obavezan da navedena sredstva koristi racionalno.

Član 4.

Sastanci Sindikalnog odbora, Nadzornog odbora i Skupštine sindikata mogu se održavati u toku radnog vremena uz prethodno obavještenje rukovoditelja organa uprave o mjestu, datumu i vremenu održavanja tog sastanka.

Član 5.

Predsjednik Sindikalne organizacije ili zamjenik predsjednika može odsustvovati sa rada po pozivu organa Sindikata ili po potrebi Sindikalnog odbora u vezi sa održavanjem radnih sastanaka ili u vezi sa odlaskom na sastanak organa čiji je član, koje odsustvo se smatra odobrenim plaćenim odsustvom.

Ukupna odsustnost sa rada, po prednjim pitanjima, ne može preći dva radna dana, odnosno 24 sata ukupno u toku jednog mjeseca, osim učešća na seminarima za edukaciju članova Sindikata, konferencijama, kongresima, sindikalnim sportskim susretima i drugim oblicima osposobljavanja u zemlji i u inostranstvu, za koje namjene će se odobriti plaćeno odsustvo sa rada u dužini trajanja seminara, odnosno kongresa Sindikata.

Član 6.

Odredbe ovog sporazuma o odsustvu sa rada predsjednika Sindikalne organizacije, odnose se i na njihove zamjenike, ukoliko se za to ukaže potreba.

Drugi članovi Sindikalne organizacije mogu odsustvovati sa posla ukoliko su delegirani za učešće na edukaciji, seminaru, sindikalnim sportskim susretima u zemlji i u inostranstvu, za koje namjene će se odobriti plaćeno odsustvo sa rada.

Član 7.

Predsjednik Sindikalne organizacije će koristiti odsustvo sa rada uz prethodno obavještenje nadležnog rukovoditelja (zahtjev za korištenje odsustva sa rada uz prezentiranje razloga za odsustvovanjem).

Rukovoditelj organa će odobriti odsustva sa rada blagovremeno, što može učiniti i zabilješkom na samom zahtjevu.

Član 8.

Odredbe ovog sporazuma su obavezujuće za sve sporazumne strane i primjenjuje se odmah, a za ostala pitanja koja nisu ovim sporazumom regulisana, primjenjuju se odredbe važećeg Kolektivnog ugovora za službenike organa uprave i sudske vlasti u FBiH.

Predsjednik Sindikalne organizacije

Adis Hadžić



Broj: 09-III- 02/21
Dana, 09.11.2021. godine

Poslodavac
Direktor



Broj: 31-01-01-1373/21
Dana, 09.11.2021.